

MARSELI...



Marseli është djali I vogël I familjes Ysteni. Ai është një fëmijë I shkathët dhe deri para pak muajsh edhe problematik për mësuesit në shkollën e tij. Familja e tij jeton në periferi të Tiranës. Prej 5 vitesh jetojnë pranë banesave sociale në Shkozë, dhe jo më nëpër cadra. Marseli I përket komunitetit Rom në Shqipëri dhe shkon cdo ditë në shkollën fillore “Androkli Konstallari”. Ai është në klasën e pestë, dhe ndjek rregullisht lëndën e Anglishtes e cila zhvillohet përmes programit “Akelius”.



Marseli në kabinetin "Akelius"

Marseli na tregon se kjo lëndë për të është e vecantë jo vetëm se mëson anglisht, por se ai mund të përdorë tabletin, të plotësojë quize, të këndojnë këngë në anglisht por edhe të luajnë. Alfabetin e mësova shumë shpejt, përmes lojrave dhe këngeve në anglisht. Është një orë ku mezi pres të vij, sepse ka internet, luaj me tableta smartphone dhe mësoj edhe gjuhën angleze -thotë Marseli.

Mësuesja e tij na tregon, se vetëm përmes Akeliusit Marseli ka mundësinë të përdorë tabletat por edhe të kenë akses në internet. Ai është shumë I vemëndshëm dhe nuk humbet asnje orë mësimi.

Familja e tij përballet me vështirësi të mëdha ekonomike, dhe pandemia ua ka vështirësuar edhe më shumë jetesën. Të izoluar dhe pa asnjë mundësi punësimi, problem më i madh për prindëtit e 10 vjecarit ishte sigurimi i ushqimit për tri fëmijët, Marselin, Kriseldën dhe Rustemin. Prej disa javësh ata kanë dalë sërish në treg për të shitur rroba të përdorura dhe jeta e tyre ka nisur të ndryshojë disi.

Marseli është një ndër 700 fëmijë të shkollës Androkli Konstallari, që sot kanë mundësi të ndjekin programin “Akelius” i cili mbështetet nga Unicef dhe zbatohet nga Observatori për të drejtat e fëmijëve në Shqipëri.

Gjatë viteve të fundit, e gjithë bota u përballë me një krizë të lartë refugjatësh dhe emigrantësh. Gjuha është një element kyç për integrimin e tyre në shoqëri. Fondacioni Akelius dhe UNICEF krijuan një platforme dixhitale të mësimin të gjuhës angleze, platformën “AKELIUS. Kjo platformë i vjen në ndihmë të rriturve por edhe fëmijëve që të mësojnë gjuhën e huaj sa më thjeshtë.